

Akashvani, Sambalpur

SAMBALPURI NEWS EVENING BULLETIN

2 October 2024- 7.02 pm- 7.12 pm.

୧- ଦେଶେ ଜାତିର ପିତା ମହାତ୍ମାଗାନ୍ଧୀ ଆର୍ ମହାନ ରାଷ୍ଟ୍ରନାୟକ ଲାଲ୍‌ବାହାଦୂର୍ ଶାସ୍ତ୍ରୀଙ୍କର ଜୟନ୍ତୀ ଶ୍ରଦ୍ଧାର ସହେତେ କରାଯାଉଛି ପାଳନ ।

୨- ସ୍ଵଚ୍ଛତା ପ୍ରତି ପ୍ରତିବଦ୍ଧତାକେ ଜୀବନର ଗୁଡ଼େ ଅବିଚ୍ଛେଦ୍ୟ ଅଙ୍ଗ ଭାବେ ସଂକଳ୍ପ ନେବାରକେ ଆହ୍ଵାନ ଦେଲେ ପ୍ରଧାନମନ୍ତ୍ରୀ ।

୩- ରାଜ୍ୟ ବିଧାନସଭା ନ ସ୍ଵତନ୍ତ୍ର ସମାରୋହଥ୍ ମହାତ୍ମାଗାନ୍ଧୀ ଆର୍ ଲାଲ୍‌ବାହାଦୂର୍ ଶାସ୍ତ୍ରୀଙ୍କୁ ଶ୍ରଦ୍ଧାଞ୍ଜଳି ଦେଲେ ରାଜ୍ୟପାଲ୍ ଆର୍ ମୁଖ୍ୟମନ୍ତ୍ରୀ ।

ଆଉର୍

୪- ପବିତ୍ର ମହାଳୟା ଅବ୍‌ସରେ ଧବଳମୁଖୀ ବେଶଥ୍ ଦର୍ଶନ ଦେଉଛନ୍ ମା ସମଲେଇ ।

ଗାନ୍ଧୀ ଜୟନ୍ତୀ ଆରବନ୍ଧୁ

କଟକ/ ସମ୍ବଲପୁର/ ବୌଦ୍ଧ/ କଲ୍ୟାଣ/ ନୂଆପଡ଼ା/ ଦେବଗଡ଼/ ବ
ରଗଡ଼/ ସୁବର୍ଣ୍ଣପୁର/ ଝାରସୁଗୁଡ଼ା

ଦେଶର ଦୁଇ ମହାନ ଜନନାୟକଙ୍କୁ ଆଦର ଦେଖିବାସୀ
ସୋର କରିଛନ୍ । ଜାତିର ପିତା ମହାତ୍ମାଗାନ୍ଧୀ ଆଉ ରାଷ୍ଟ୍ରନାୟକ
ଦୁଇନମ୍ବର ପ୍ରଧାନମନ୍ତ୍ରୀ ଲାଲବାହାଦୂର ଶାସ୍ତ୍ରୀଙ୍କର ଆଦର
ହେଉଛି ଜନମନ୍ଦିର । ୧୮୭୯ ମସିହା ଆଝିର ଦିନେ ଜନମ୍
ହେଇଥିବା ଅହିଂସାର ପୂଜାରୀ ମହାତ୍ମାଗାନ୍ଧୀ ଦେଶକେ ଇଂରେଜ
ଶାସନକୁ ମୁକ୍ତ କରିଥିଲେ । ମୁକ୍ତି ସଂଗ୍ରାମୀ ସେ ସତ୍ୟ ଆର
ଅହିଂସା ଉପରେ ଆଧାରିତ୍ ସତ୍ୟାଗ୍ରହକେ ପ୍ରବର୍ତ୍ତନ କରିଥିଲେ ।
ଇତାର ପ୍ରଭାବ୍ ଏହିନ୍ ଭିଲ୍ ସାରା ପୁରୁଥ୍ ନ ଗହୀର ପ୍ରଭାବ୍
ପକେଇ ଚାଲିଛି ।

୧୯୦୪ ମସିହାଥ୍ ଆଝିର ଦିନେ ଉତ୍ତରପ୍ରଦେଶର
ମୋଗଲସରାଇଠାନ୍ ଲାଲବାହାଦୂର ଶାସ୍ତ୍ରୀ ଜନମ୍
ହେଇଥିଲେ । ଛୁଆଦିନୁ ଗାନ୍ଧୀଜୀଙ୍କର ଜାତୀୟତାର ପ୍ରେମୀ ସେ
ଅନୁପ୍ରାଣିତ୍ ହେଇଥିଲେ । ବାପୁଜୀଙ୍କର ଡାକରାଥ୍ ସେ ସ୍ଵାଧୀନତା
ଆନ୍ଦୋଳନଥ୍ ସାମିଲ୍ ହେଇଥିଲେ । ସ୍ଵାଧୀନତା ଉତ୍ତରୁ
କେନ୍ଦ୍ରମନ୍ତ୍ରୀ ମଣ୍ଡଲର ରେଲମନ୍ତ୍ରୀ ଭାବେ ସେ ଦାୟିତ୍ଵ
ତୁଲେଇଥିଲେ । ଆର ଇତାରୁତ୍ତରୁ ଭାରତ୍ତର ୨ ନମ୍ବର
ପ୍ରଧାନମନ୍ତ୍ରୀ ହେଇଥିଲେ । ତାଙ୍କର ସ୍ନୋଗାନ୍ ଜୟ ଜବାନ୍, ଜୟ
କିଷାନ୍ ଆଦର ଭିଲ୍ ଦେଶବାସୀଙ୍କର ପାଖେ ଅମର ବାଣୀ

ହେଇକରି ରହିଛେ । ଇ ଦୁହି ମହାନ ନାୟକଙ୍କର ସ୍ମୃତି ଅବସରେ ରାଜ୍ୟର ଭିନ୍ ଭିନ୍ ଜାଗା ନ ଖାସ୍ କାର୍ଯ୍ୟକ୍ରମ ମାନ ଆୟୋଜନ ହେଉଛେ ।

ସମ୍ବଲପୁର ଭଡ଼ରା ଠାରେ ଥିବା ଗାନ୍ଧୀ ମନ୍ଦିର ନ ଗାନ୍ଧୀ ଜୟନ୍ତୀ ପାଳିତ୍ ହେଇଯାଇଛେ । ଇ ଅବସରେ ମନ୍ଦିର ନ ଖାସ୍ କାର୍ଯ୍ୟକ୍ରମମାନ ହେଇଥିଲା । ଆଏଜ୍ ପହପହନୁ ରାମଧୁନ ପରିବେଷଣ୍ ସଙ୍ଗେ ଭଜନ କୀର୍ତ୍ତନ କରାଯାଇଥିଲା । ଜିଲ୍ଲା ପ୍ରଶାସନର ଅଧିକାରୀମାନେ ଗାନ୍ଧୀ ମନ୍ଦିରକେ ଯାଇକରି ପୁଲ୍ମାଲ୍ ଚଢ଼େଇଥିଲେ ।

ସୁବର୍ଣ୍ଣପୁର ଜିଲ୍ଲାର ଭିନ୍ ଭିନ୍ ଜାଗା ନ ଆଏଜ୍ ପବିତ୍ର ଗାନ୍ଧୀ ଜୟନ୍ତୀ ଆର୍ ସ୍ବଚ୍ଛ ଭାରତ୍ ଦିବସ୍ ପାଳିତ୍ ହେଇଛେ । ଜିଲ୍ଲା ପ୍ରଶାସନ ତରଫୁ ଗାନ୍ଧୀପଡ଼ିଆଠାରେ ମହାତ୍ମାଗାନ୍ଧୀଙ୍କର ପ୍ରତିମୂର୍ତ୍ତିଥି ପୁଲ୍ମାଲ୍ ଦିଆଯିବାର ସହେତେ ଗୁଚେ ପ୍ରାର୍ଥନା ସଭା ହେଇଥିଲା । କାର୍ଯ୍ୟକ୍ରମଥି ଜିଲ୍ଲାପାଲ ଅନ୍ୟା ଦାସ ଆର୍ ଅଲ୍ଗା ଅଧିକାରୀ, ବ୍ୟକ୍ତିବିଶେଷମାନେ ଯୋଗ୍ ଦେଇଥିଲେ । ଇ ଅବସରେ ସୁବର୍ଣ୍ଣପୁର ସ୍ବଚ୍ଛ ଭାରତ୍ ସଂଗଠନ ତରଫୁ ମା ମାଣିକେଶ୍ବରୀ ମନ୍ଦିର ପରିସରକେ ସଫେଇ କରାଯାଇଥିଲା ।

ବରଗଡ଼୍ ଜିଲ୍ଲା ସଦର ମହକୁମା ଠାରେ ଗାନ୍ଧୀ ଜୟନ୍ତୀ ଆଉ ଲାଲ୍ବାହାଦୁର ଶାସ୍ତ୍ରୀଙ୍କର ଜୟନ୍ତୀ ପାଳିତ୍ ହେଇଯାଇଛେ । ଗାନ୍ଧୀଛକ୍ ଠାରେ ହେଇଥିବା ସମାରୋହଥି ମୁଖ୍ୟ ଅତିଥି ଭାବେ ବିଧାୟକ୍ ଅଶ୍ବିନୀ କୁମାର୍ ଷଡ଼ଙ୍ଗୀ, ଜିଲ୍ଲାପାଲ୍ ଆଦିତ୍ୟ

ଗୋୟଲ୍ ଯୋଗ୍ ଦେଇକରି ଗାନ୍ଧୀଜୀ ଆର୍ ଶାସ୍ତ୍ରୀଜୀଙ୍କର୍ ସ୍ମୃତି
ଚାରଣ୍ କରିଥିଲେ । ଇ ଅବ୍ସରେ ହେଇଥିବା ଭିନ୍ ଭିନ୍
ପ୍ରତିଯୋଗିତାର୍ କୃତି ଛାତ୍ରଛାତ୍ରୀମାନ୍କୁ ପୁରସ୍କୃତ
କରାଯାଇଥିଲା ।

ନୂଆପଡ଼ା ଜିଲ୍ଲା ଖଡ଼ିଆଲ୍ ବିଜ୍ଞାପିତ ଅଂଚଲ୍ ପରିଷଦ୍ ତରଫୁ
ଗାନ୍ଧୀ ଜୟନ୍ତୀ ପାଲିଡ୍ ହେଇଯାଇଛେ । ଇ ଅବ୍ସରେ ଖଡ଼ିଆଲ୍
ନ ଥିବା ଗାନ୍ଧୀଙ୍କର୍ ପ୍ରତିମୂର୍ତ୍ତିଥି ପୁଲ୍ମାଲ୍ ଚଢ଼ାଯାଇଥିଲା । ଇ
କାର୍ଯ୍ୟକ୍ରମ୍ଥି ନିର୍ବାହୀ ଅଧିକାରୀ ସ୍ବାଧୀନ୍ ଚେତନ୍ ମହାରଣା
ଆର୍ ଅଲ୍ଗା କର୍ମଚାରୀମାନେ ଯୋଗ୍ ଦେଇଥିଲେ ।

ଦେବଗଡ଼୍ ଜିଲ୍ଲା ସଂସ୍କୃତି ଭବନ୍ ଠାନେ ଜିଲ୍ଲାସ୍ତରୀୟ
ଗାନ୍ଧୀଜୟନ୍ତୀ ଆର୍ ଶାସ୍ତ୍ରୀ ଜୟନ୍ତୀ ପାଲିଡ୍ ହେଇଯାଇଛେ । ଇଥି
ମୁଖ୍ୟଅତିଥି ଭାବେ ଅତିରିକ୍ତ ଜିଲ୍ଲାପାଲ୍ ରେବେକା ବିଲୁଙ୍ଗ ଆର୍
ପୌର ପରିଷଦ୍ ଅଧ୍ୟକ୍ଷା ଶାନ୍ତିମଞ୍ଜରୀ ଦେଇ ଯୋଗ୍ ଦେଇକରି
ଗାନ୍ଧୀଜୀ ଆର୍ ଶାସ୍ତ୍ରୀଜୀଙ୍କର୍ ଫଟୋଚିତ୍ରଥି ପୁଲ୍ ଚଢ଼େଇଥିଲେ ।
ଗାନ୍ଧୀଜୟନ୍ତୀ ଅବ୍ସରେ ଆୟୋଜିତ ହେଇଥିବା ଜିଲ୍ଲାସ୍ତରୀୟ
ଚିତ୍ରାଙ୍କନ ପ୍ରତିଯୋଗିତାଥି କୃତୀ ପ୍ରତିଯୋଗୀମାନ୍କୁ ପୁରସ୍କୃତ
କରାଯାଇଥିଲା ।

ବୌଦ୍ଧ ଜିଲ୍ଲା ପ୍ରଶାସନ୍ ତରଫୁ ବୌଦ୍ଧ ଟାଉନ୍ ହଲ୍ ଠାନେ
ଗାନ୍ଧୀ ଜୟନ୍ତୀ ଆର୍ ଶାସ୍ତ୍ରୀ ଜୟନ୍ତୀ ପାଲିଡ୍ ହେଇଛେ । ଇଥି
ମୁଖ୍ୟଅତିଥି ଭାବେ ଜିଲ୍ଲାପାଲ୍ ସୁବ୍ରତ୍ କୁମାର୍ ପଣ୍ଡା ଯୋଗ୍

ଦେଇକରି ଗାନ୍ଧୀଜୀଙ୍କର ନୀତି ଆର ଆଦର୍ଶ ଉପରେ ଆଲୋଚନା କରିଥିଲେ ।

ବଲାଙ୍ଗିର ଜିଲ୍ଲା ସଦର ମହକୁମା ଠାରେ ଜିଲ୍ଲାସ୍ତରୀୟ ଗାନ୍ଧୀ ଜୟନ୍ତୀ ଆର ଲାଲବାହାଦୂର ଶାସ୍ତ୍ରୀଙ୍କର ଜୟନ୍ତୀ ପାଳିତ୍ ହେଇଯାଇଛି । ଇ ଅବସରେ ଜିଲ୍ଲା ପ୍ରଶାସନ୍ ତରଫୁ ଗାନ୍ଧୀ ଭବନ୍ ଆଗାଡ଼େ ଥିବା ମହାତ୍ମାଗାନ୍ଧୀଙ୍କର ପ୍ରତିମୂର୍ତ୍ତିଥି ପୁଲ୍ମାଲ୍ ଚଢ଼ାଯାଇକରି ସର୍ବଧର୍ମ ପ୍ରାର୍ଥନା କରାଯାଇଥିଲା ।

ଝାରସୁଗୁଡ଼ା ଜିଲ୍ଲା ଗାନ୍ଧୀଛକ୍ ନ ଜିଲ୍ଲା ପ୍ରଶାସନ୍ ତରଫୁ ଗାନ୍ଧୀ ଜୟନ୍ତୀ ପାଳିତ୍ ହେଇଯାଇଛି । ଇ କାର୍ଯ୍ୟକ୍ରମଥି ବିଧାୟକ୍ ଟଙ୍କଧର ତ୍ରିପାଠୀ ଆର ଅଲଗା ପ୍ରଶାସନିକ୍ ଅଧିକାରୀମାନେ ଉପସ୍ଥିତ୍ ଥିଲେ । ଇ ଅବସରେ ଜିଲ୍ଲାପ୍ରଶାସନ୍ ତରଫୁ ୨୧ ଝନ୍ କୁଷ୍ଠରୋଗୀଙ୍କର ପରିବାରକେ ଆବାସ ଯୋଜନା ଜରିଏ ନୂଆଁକରି ତିଆର ହେଇଥିବା ଘରର ଚାବି ଦିଆଯାଇଛି ।

କଲାହାଣ୍ଡି ଜିଲ୍ଲା ଭବାନୀପାଟ୍ଣା ଠାରେ ଗାନ୍ଧୀ ଜୟନ୍ତୀ ଆର ଶାସ୍ତ୍ରୀ ଜୟନ୍ତୀ ପାଳିତ୍ ହେଇଛି । ଇ ଅବସରେ ଟାଉନ୍‌ହଲ୍ ଠାରେ ସର୍ବଧର୍ମ ପ୍ରାର୍ଥନା ସଭା କରାଯାଇଥିଲା । ଇଥି ମୁଖ୍ୟଅତିଥି ଭାବେ ସାଂସଦ୍ ମାଳବିକା ଦେବୀ ଯୋଗ୍ ଦେଇଥିଲେ ।

ପ୍ରଧାନମନ୍ତ୍ରୀ-ସ୍ଵଚ୍ଛତା ହିଁ ସେବା ଆରବନ୍ଧୁ/କଟକ

ସ୍ଵଚ୍ଛତା ପ୍ରତି ପ୍ରତିବଦ୍ଧତାକେ ଜୀବନର ଗୁଡ଼େ ଅବିଚ୍ଛେଦ୍ୟ ଅଙ୍ଗ ଭାବେ ସଂକଳ୍ପ ନେବାରକେ ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ଦେଶବାସୀଙ୍କୁ ଆହ୍ଵାନ ଦେଇଛନ୍ । ସ୍ଵଚ୍ଛ ଭାରତ୍ ମିଶନ୍ର ୧୦ ବର୍ଷ ପୂର୍ତ୍ତ ପାଳନ୍ ଅବସରେ ନୂଆଦିଲ୍ଲୀ ଠାନ୍ନେ ହେଇଥିବା ସ୍ଵଚ୍ଛତା ହିଁ ସେବା ୨୦୨୪ କାର୍ଯ୍ୟକ୍ରମକେ ସମ୍ପୋଧନ୍ କରିକରି ପ୍ରଧାନମନ୍ତ୍ରୀ କହିଛନ୍ ଯେ, ସ୍ଵଚ୍ଛ ଭାରତ୍କେ ହାସଲ୍ କର୍ବାର୍ ଲାଗି ସବୁବେଲେ ଚେରେଷ୍ଟା ଦରକାର୍ ଅଛେ । ସ୍ଵଚ୍ଛତାକେ ଜନ ଆନ୍ଦୋଳନ୍ଥି ବଦ୍ଲେଇଥିବାରନ୍ତୁ ଭାରତ୍ବାସୀଙ୍କର୍ ମନୋବଲ୍କେ ପ୍ରଧାନମନ୍ତ୍ରୀ ପ୍ରଶଂସା କରିଛନ୍ । ପୁର୍ଥିର୍ ଭିନ୍ ଭିନ୍ ରାଷ୍ଟ୍ର ନ ଏନ୍ତା କାର୍ଯ୍ୟକ୍ରମାନ୍ ଆଏଜ୍ ଆନ୍ଦୋଜନ୍ କରାଯାଇଛେ ବଲି ପ୍ରଧାନମନ୍ତ୍ରୀ କହିଛନ୍ । ସେ କହିଛନ୍ ଯେ, ସ୍ଵଚ୍ଛତା ହିଁ ସେବା ପକ୍ଷ ପାଳନ୍ ଭିତ୍ରେ ଦେଶେ ୨୭ ଲାଖ୍ନୁ ଅଏତ୍କା କାର୍ଯ୍ୟକ୍ରମ୍ ଆନ୍ଦୋଜନ୍ କରାଯାଇଛେ । ଇଥି ୨୮ କୋଟିନ୍ତୁ ଅଏତ୍କା ଲୋକ୍ ସାମିଲ୍ ହେଇଥିଲେ ବଲି ପ୍ରଧାନମନ୍ତ୍ରୀ ସୁର୍ନା ଦେଇଛନ୍ । ସେ ଆହୁରି କହିଛନ୍ ଯେ, ଆଏବା ଦିନେ ସ୍ଵଚ୍ଛ ଭାରତ୍ ଅଭିଯାନ୍ ସ୍ଫୁରଣୀୟ ହେଇକରି ରହେବା । ଚଲ୍ତି ଶତାବ୍ଦୀର୍ ଇଟା ପୁର୍ଥିର୍ ସବୁଠାନ୍ତୁ ବଡ଼ ଆଉ ସଫଳ ଜନଭାଗିଦାରୀ କାର୍ଯ୍ୟକ୍ରମ୍ ବଲି ସେ କହିଛନ୍ । ଏନ୍ତା ପ୍ରୟାସ୍ ବାପୁଜୀଙ୍କର୍ ପ୍ରତି ସବୁନ୍ତୁ ବଡ଼ ଶ୍ରଦ୍ଧାଞ୍ଜଳି ବଲି ପ୍ରଧାନମନ୍ତ୍ରୀ କହିଛନ୍ । ଇ ଅବସରେ

ପ୍ରଧାନମନ୍ତ୍ରୀ - ପରିମଳ ଆଉ ସ୍ୱଚ୍ଛତା ସଙ୍ଗେ ଜଡ଼ିତ ୯
ହଜାର ୬ ଶହ କୋଟିରୁ ଅଧିକ ଟଙ୍କାର ଭିନ୍ ଭିନ୍
ପ୍ରକଳ୍ପର ଶୁଭାରମ୍ଭ ଆର ଶିଳାନିଧି କରୁଛନ୍ ।

ରାଜ୍ୟସ୍ତରୀୟ ଗାନ୍ଧୀ ଜୟନ୍ତୀ ଆରମ୍ଭ/ କଟକ

ଜାତିର ପିତା ମହାତ୍ମାଗାନ୍ଧୀଙ୍କର ଶହେ ୫୫ ନମ୍ବର ଜନ୍ମ ବାର୍ଷିକୀ
ଅବସରେ ରାଜ୍ୟ ବିଧାନସଭା ପରିସର ନ ଆସି
ସଖାଲବେଳା ଗୁଡ଼େ ସ୍ୱତନ୍ତ୍ର ସମାରୋହ ହେଇଯାଇଛି ।
ଇଥି ରାଜ୍ୟପାଳ ରଘୁବର ଦାସ, ମୁଖ୍ୟମନ୍ତ୍ରୀ ମୋହନ
ଚରଣ ମାଝୀ, ବାଚସ୍ପତି ସୁରମା ପାଢ଼ୀ ଗାନ୍ଧୀଜୀଙ୍କର
ପ୍ରତିମୂର୍ତ୍ତି ଶ୍ରଦ୍ଧାସୁମନ ଅର୍ପଣ କରିଥିଲେ । ବାପୁଜୀଙ୍କର
ପ୍ରିୟ ଆଶ୍ରମ ଭଙ୍ଗନ ସଙ୍ଗେ ଗୁଡ଼େ ପ୍ରାର୍ଥନା ସଭା
ଆୟୋଜିତ ହେଇଥିଲା । ଅଲଗାମାନଙ୍କର ଭିତରେ
ସଂସଦୀୟ ବ୍ୟାପାରମନ୍ତ୍ରୀ ଡକ୍ଟର ମୁକେଶ୍ ମହାଲିଙ୍ଗ,
ଆଇନମନ୍ତ୍ରୀ ପୃଥ୍ୱୀରାଜ୍ ହରିଚନ୍ଦନ, ଉପବାଚସ୍ପତି ଭବାନୀ
ଶଙ୍କର ଭୋଇ, ସରକାରୀ ଦଳର ମୁଖ୍ୟ ସଚେତକ
ସରୋଜ୍ ପ୍ରଧାନଙ୍କର ସହେତେ ବହୁତ୍ ସଦସ୍ୟ ଉପସ୍ଥିତ୍
ରହିକରି ମହାତ୍ମାଗାନ୍ଧୀଙ୍କର ପ୍ରତି ଶ୍ରଦ୍ଧାଞ୍ଜଳି ଅର୍ପଣ
କରିଥିଲେ ।

ମହାଲୟା ସମ୍ବଲପୁର ସମ୍ବାଦଦାତା

ସମ୍ବଲପୁରର ଶ୍ରୀ ଶ୍ରୀ ସମ୍ବଲେଇ ଗୁଡ଼ି ନ ଆଏଇ ମହାଲୟା
ଅମାବାସ୍ୟା ପାଲିତ୍ ହେଉଛେ । ଇ ଅବସରେ ମା ସମ୍ବଲେଇ
ଭକ୍ତମାନଙ୍କୁ ଧବଲମୁଖୀ ବେଶଥୁ ଦର୍ଶନ୍ ଦେଉଛନ୍ । ସେନ୍ତା ମା
ପାଟଣେଶ୍ୱରୀଙ୍କର୍ ଭିଲ୍ ଧବଲମୁଖୀ ବେଶ କରାଯାଇଛେ । ଇ
ବାବଦେ ଆମର୍ ସମ୍ବଲପୁର୍ ସମାଦଦାତାଙ୍କର୍ ଗୁଟେ
ରିପୋର୍ଟ...

(ଭଏସ୍ ଓଭର୍- ଗୁଣମଣି ବିଶ୍ୱାଳ)

ସୁବର୍ଣ୍ଣପୁର-ଧବଲମୁଖୀ ସୁବର୍ଣ୍ଣପୁର/ନୂଆପଡ଼ା

ସୁବର୍ଣ୍ଣପୁରର ଅଧିଷ୍ଠାତ୍ରୀ ମା ସୁରେଶ୍ୱରୀଙ୍କର୍ ଧବଲମୁଖୀ
ବେଶ ଆଏଇ ହେଇଛେ । ପହପହନ୍ନୁ ଦେବୀଙ୍କର୍ ଦିବ୍ୟସ୍ନାନ
କରାଯିବାର୍ ଉତ୍ତରୁ ପାରମ୍ପରିକ ରୀତିନୀତିଥୁ ସେବାୟତ ଆର୍
ପୂଜକମାନେ ମାଙ୍କର୍ ଧବଲମୁଖୀ ବେଶ କରିଥିଲେ । ଇ ଦୁର୍ଲଭ
ବେଶ ଦେଖ୍ବାର୍ ଲାଗି ବହୁତ୍ଟେ ଭକ୍ତମାନଙ୍କର୍ ଭିଡ୍
ହେଇଛେ । ଇନ ଜନେଇ ଦିଆଯାଇପାରେ ଯେ, ସୁବର୍ଣ୍ଣପୁରର
ସୋମବଂଶୀ ରାଜାଙ୍କର୍ ଶାସନ୍ ସମିଆନ୍ନୁ ଦର୍ଶରା ମାସର୍
ମହାଲୟା ତିଥୁ ନ ମା ସୁରେଶ୍ୱରୀଙ୍କର୍ ଇ ବେଶ କରାଯାଉଛେ ।
କର୍ପୁର ମିଶା ଧୋପ୍ ଶଙ୍ଖର୍ ଭଷ୍ମଥୁ ଇ ବେଶ କରାଯାଏସି ।

ସେଆଡ଼େ ନୂଆପଡ଼ା ଜିଲ୍ଲା ନ ମହାଳୟା ଅବ୍ଦରେ ଦୁର୍ଗାପୂଜା
ଲାଗି କଲସ୍ ଯାତ୍ରା ହେଇଛେ । ମା ଦୁର୍ଗାଙ୍କର ନବରାତ୍ର
ପୂଜା ମୁଲ୍ ହେବାର୍‌କେ ଥିବାର୍ ବେଳେ ଅଧିଷ୍ଠାତ୍ରୀ ଦେବୀ
ମା ରକ୍ତାୟରୀଙ୍କର ପୀଠ ପୂଜା କରାଯିବା । ପବିତ୍ର
ଅମାବାସ୍ୟା ତିଥିଥି ମା ରକ୍ତାୟରୀଙ୍କର ପୀଠ ପୂଜା
ହେଇକରି ଛତର ଦେହ ନ ମା ବିରାଜମାନ୍ ହେଇକରି
ଡେରିରାତିଥି ସେବାୟତମାନଙ୍କର ସାଙ୍ଗେ ମନ୍ଦିର୍କେ
ଯିବେ । ଦର୍ଶରାଥି ମନ୍ଦିର୍କ ନ ଭକ୍ତମାନ୍କୁ ଦର୍ଶନ୍ ଦେବେ ।

ସ୍ଵଚ୍ଛତା କାର୍ଯ୍ୟକ୍ରମ୍ ସମ୍ବଲପୁର/ ବୌଦ୍ଧ ସମ୍ବାଦଦାତା

ସମ୍ବଲପୁର ଗୋଶାଳା ଠାନ୍ନେ ଥିବା ସିଆରପିଏଫ୍ ଗୁପ୍ ସେଠର୍କ
ତରଫୁ ଗାନ୍ଧୀ ଜୟନ୍ତୀ ଅବ୍ଦରେ ଗୋଶାଳା ଛକ୍‌ଠାନ୍ନେ
ସ୍ଵଚ୍ଛତା କାର୍ଯ୍ୟକ୍ରମ୍ ହେଇଯାଇଛେ । ସିଆରପିଏଫ୍‌ର
ଡେପୁଟି ଇନ୍ସପେକ୍ଟର୍କ ଜେନେରାଲ୍ ସଞ୍ଜୟ କୁମାର୍ ସିଂଙ୍କର୍କ
ଅଧକ୍ଷତାଥି ହେଇଥିବା ଇ କାର୍ଯ୍ୟକ୍ରମ୍‌ଥି କଳାମାଟି ସର୍ଫର୍
ସୁଷମା ସାହୁ ଆର୍ ଏସ୍‌ଏର୍‌ଜି ମହିଳାମାନ୍ନେ ଭାଗ୍
ନେଇଥିଲେ ।

ପାଣିପାଗ ଆର୍‌ଏନ୍‌ୟୁ/ ସମ୍ବଲପୁର

ରାଏଜେ ମୌସୁମୀ ଫିରୁଥିବାର ବେଳେ କେତେ ଜାଗା ନ
ଟିକେରଂଚେ ବର୍ଷା ହେଉଛି । ଆଏବା କାଏଲ୍ ନୂଆପଡ଼ା,
କଲାହାଣ୍ଡି ସହେତେ ୧୬ ଟା ଜିଲ୍ଲା ନ ବର୍ଷା ହେଇପାରେ ।
ଇଥିରଲାଗି ଭୁବନେଶ୍ୱର ଆଂଚଳିକ୍ ପାଣିପାଗ ବିଜ୍ଞାନ
କେନ୍ଦ୍ର ତରଫୁ ସତର୍କ କରାଯାଇଛି ।